

Uunga siunnersuut: Kalaallit Nunaanni Namminersorlutik Oqartussat Inuk pillugu paasissutissanut inatsimmut Kunngip peqqussutaata Kalaallit Nunaanni atortuulersinneqarnissaa pillugu Inatsisartut aalajangiiffigissagaat

Saqqummiussinermut allakkiaq

(Aningaasaqarnermut Aatsitassanullu Naalakkersuisoq)

Siullermeerneqarnera

Ukiut arlalinngorput ilisimaneqartoq inatsisit, inuup paasissutissaatai suliffeqarfinit pisortaniillu atorneqartartut pillugit, allanngortinnissaannut pisariaqartut. Taamaatumik Naalakkersuisuninngaanniit iluarisimaarinnillutik piareersaaneq annertoq peqqissaarullugu naammassereermat, una siunnersuut Inummut paasissutissat pillugit inatsimmut Kunngip Peqqussutaata atuutsinneqalernissaa pillugu saqqummiussinnaammassuk.

Inummut paasissutissat pillugit inatsiseq atuutilerpat ullumikut nunatsinni pissutsinut naleqquttumik aqqiisoqassaaq, innuttaasup pisinnaatitaaffii qitiutillugit.

Siunnersuut atuutilerpat innuttaasup pisinnaatitaaffii assiginngisut inummut paasissutissat pillugit isumannaarneqassapput. Assersuutigalugu peqqussutaalissaaq inuup paasissutissaatai sorliit atorneqarniarnersut ilisimatitsissutigineqassasut, innuttaasullu tassungaa atatillugu suut pisinnaatitaaffiginerai ilisimatitsissutigineqassalluni. Siunnersuut atuutilissappat aamma nassatarissavaa nalunaarsuinissamut najoqqutassiassanik sananissamut peqqussutit oqinnerusumik aqqussissuussinernik taarserneqassammata tassanilu inuup paasissutissaataanik atuinermi nakkutilliisunut oqartussaasunut nalunaaruteqarneq.

Inatsisip nutarternissaanut aamma kissaataavoq nunatsinni digitalimik sulериuseqarnissamut ingerlaarnitsinni oqilisaataanissamut. Tassanilu digitalikkut inummut paasissutissanik nunat killeqarfinniit paarlaasseqatigiittarnerit ullutsinni naapertuuttumik isumannaartumillu ingerlannissaat inatsisip atuutilernerani isumannaassavaa. Inatsiseq maannamut atuuttoq tamanna ajornakusoortippaa, Kalaallit Nunaallu nuna isumaqatigiissutip avataaniittut EU-mit akuerineqassagutta inatsiserput nutartertariaqarluni.

Taamatut annertuumik inatsisimik nutarsaanermi sullissisut/isumaginnittut pikkorissarnissaat, suliffeqarfiillu pisortaqarfiillu sulериussissaat malittarisassaanillu nutarsaanissaq avaqqunneqarsinnaangilaq. Taamaattumik Naalakkersuisut nuannaarutigaaq naalagaaffiup oqartussaasuilu isumaqatigiinninniarnert ingerlatereerlugit iluatsimmat inatsisimi inummut paasissutissanik atuinermi nalunaarutiginninnissamut piffissarititaasoq sivitsorneqarmat. Oqartussaasunut suliffeqarfinnullu sulериuutsinik malittarisassanik nutarterinermi oqilisaataassooq.

Siunnersuut nassiutinnginnerani Naalackersuisut inatsisiliornissamut tunngavissaqarnersoq misissoqqaarsimavaat. Justitsministeriaqarfiup nalunaarutigisimavaa Namminersorlutik Oqartussat inatsimmik immikkut atuuttumik akuersisinnaammata, inatsilli taamaallaat nunatsinni pisorta qarfinni suliffe qarfinilu atuussinnaavoq taamaattumillu nalagaaffiup pisorta qarfiini atuussinnaanani. Tamanna Naalackersusiut ullutsinni pisisissamisoortutut isiginngilaat, nunarput digitalimik suleriuseqarnissamut ingerlaartinni arnerani kigaallaataasinnaasutit isigineqarmat.

Taamatut oqaaseqarlunga isumalluarlunga siunnersuut Inatsisartunut ingerlateqippara.